



education

Department:
Education
North West Provincial Government
REPUBLIC OF SOUTH AFRICA

TLHATLHOBO YA POROFENSE

MOPHATO 10

SETSWANA PUO YA GAE (HL)

PAMPIRI YA NTLHA (P1)

SEETEBOSIGO 2024

KAEDI YA GO TSHWAYA

MADUO: 70

Kaedi e ya go tshwaya, e na le ditsebe di le 7.

KAROLO YA A: TEKATLHALOGANYO

Mokgwa wa go tshwaya Tekatthaloganyo

- Motlhatlhojwa a se sokolwe dirope fa karabo di na le mopeleto o o fosagetseng le diphoso tsa puo ntle le fa diphoso tseo di fetola bokao gonne go tobilwe go tshaloganyana. (Diphoso di nne di supiwane.)
- Fa motlhatlhojwa a dirisa mafoko a puo esele, ikgatholose mafoko ao, mme fa karabo e santse e tshaloganyana, o se ka wa mo jela maduo. Fela, lefoko le le tswang mo puong esele le a amogelesega fa le dirisitswe mo setlhangweng e bile le tlhokega mo karabong.
- Mo dipotsong tse di bulegileng, dikarabo tsa EE/NNYAYA kgotsa KE A DUMELA/GA KE DUMELANE di se abelwe maduo. Lebaka/Tshegetso ke yona e e tshwanetseng go tsewa tsia.
- NNETE/FOSAGETSE kgotsa NTLHA/KAKANYO e se abelwe leduo lepe. Lebaka/Tshegetso ke yona e e tshwanetseng go tsewa tsia.
- Fa go tlhokega karabo ya lefoko le le lengwe, mme motlhatlhojwa a neetse polelo yotlhe, mo tshwae ka nepagalo fa e le gore lefoko le le nepagetseng le thaletswe/le ntshofaditswe.
- Fa go tlhokwa dintlha di le pedi/tharo, mme go tlhagisitswe tse dintsi, go tshwaiwe fela tse pedi/tharo tsa ntlha.
- Amogela dipharologano tsa diteme.
- Mo dipotsong tse go tlhophiwang karabo e e nepagetseng mo go tsona, amogela tlhaka e e nyalanang le karabo e e nepagetseng LE/KGOTSA karabo e e kwadilweng ka botlalo.

POTSO 1

- 1.1.1 C/ Khorona. ✓ (1)
- 1.1.2 World Health Organisation. ✓ (1)
- 1.1.3 Go netefatsa gore dinaga tsotlhe di fitlhelela meento ya Covid -19 ka go lekalekana le go ba romelela meento e ba e beeditseng ka nako. ✓✓ (2)
- 1.1.4 Tiro e nna botlhofo fa e dirwa ke batho ba le babedi / tiro e nna botlhofo fa e pataganetswe. (Dikarabo tse di nepagetseng di elwe tlhoko). ✓✓ (2)
- 1.1.5 O thusa batho go aga masole a mmele le go ikemela kgatllhanong le megare e mengwe/O fokotsa bogale jwa megare e e itsholang jaaka Khorona/Fa mogare o ka ipoeletsa, masole a mmele a kgona go o lemoga mme a o tlhasele. (DI LE PEDI FELLA) ✓✓ (2)
- 1.1.6 Pfizer✓ Covid 19, Moderna✓ le Astra Zeneca✓. (3)
- 1.1.7 Ke ntlha, mafaratlhatlha a inthanete a ne a bega gore moento o wa Khorona o tsenya mogare ono mo bathong, seno se ne sa tlisa ketsaetsego mabapi le go dumela go tlhabiwa moento oo kgotsa nnyaya. ✓✓ (2)
- 1.1.8 Ee, gonne ga go na gore melemo e ka phasaladiwa fela go sa dirwa diteko pele.

Nnyaya, gonne ke tloga ke tsaya moento kante ke nnete ga o a siama mme ke tloge ke tlhokafale. (Dikarabo tse di nepagetseng di elwe tlhoko). √√ (2)

1.1.9 Batho bangwe ba ne ba latlhegelwa ke ditiro/ batho ba ne ba tlhakofala ka bontsi/go ne ga emisiwa dikolo nakwana baithuti ba sa ye sekolong/mabenkele a ne a tswalwa/batho ba ne ba sa kgone go etelana/dipalo tsa batho ba ba yang meletlong le mediro mengwe di ne di fokoditswe. (DI LE THARO FELLA). (3)
(Dikarabo tse di nepagetseng tsa batlhatlhojwa di elwe tlhoko). √√√

1.1.10 Go dirilwe diteko tse di farologaneng mo bathong ba ba rileng go netefatsa tshireletsego ya ona. √√ (2)

1.1.11 Go tsenya dithibanko le molomo, go tlhapa diatla kgapetsakgapetsa kgotsa go dirisa sebolayaditwatsi mo matsogong. √√ (2)

SETLHANGWA B (SETSHWANTSHO)

1.2.1 SETLHANGWAA se bua ka mogare wa COVID 19 fa SETLHANGWA B se bontsha molwetse kwa bookelong a tsentswe motšhini wa go hema/ yo o lwalang. SETLHANGWAA se bua ka batho ba le bantsi fa SETLHANGWA B se bontsha motho a le mongwe.
SETLHANGWAA se bua ka merafe e farologaneng SETLHANGWA B se bontsha motho mosweu.
(Dikarabo tse di nepagetseng di elwe tlhoko). √√ √√ (4)

1.2.2 Ee, se sekametse mo letlhakoreng le le lengwe gonne go tlhagisitswe motho wa mosweu fela mme le batho ba merafe e e farologaneng ba a tle ba lwale. √√ (2)

1.2.3 Metšhini e e tsentsweng mo dinkong e e mo thusang go hema. √√ (2)

PALOGOTLHE YA KAROLO YA A: 30

KAROLO YA B: TSHOBOKANYO

Mokgwa wa go tshwaya:

Tshobokanyo e tshwanetse go tshwaiwa ka mokgwa o o latelang:

Kabo ya maduo

- Maduo a le 7 a dintlha di le 7
- Maduo a le 3 a puo
- Palogotlhe: 10

Kabo ya maduo a puo fa motlhatlhojwa a dirisitse mafoko a gagwe:

- Leduo le le 1 = Fa motlhatlhojwa a nepile dintlha di le 1 – 3
- Maduo a le 2 = Fa motlhatlhojwa a nepile dintlha di le 4 – 5
- Maduo a le 3 = Fa motlhatlhojwa a nepile dintlha di le 6 – 7

Kabo ya maduo a puo fa motlhatlhojwa a nopotse:

- Lefela (0) = Fa motlhatlhojwa a nopotse dintlha di le 6 – 7.
- Leduo le le 1 = Fa motlhatlhojwa a nopotse dintlha di le 1 – 5.

ELA TLHOKO:

Palo ya mafoko

- Batshwai ba tshwanetse go netefatsa palo ya mafoko a a dirisitsweng.
- A motlhatlhojwa a se jelwe maduo fa a sa tlhagisa palo e e solofetsweng kgotsa fa palo ya mafoko a a dirisitsweng e fosagetse. Fa a fetile palo ya mafoko a a lekanyeditweng, bala go fitlha ka polelo ya bofelo e e tlang morago ga tekanyetso mme o ikgatholose karolo e e setseng ya tshobokanyo.
- Ditshobokanyo tse dikhutshwane mme di na le dintlhakgolo tsotlhe tse di tlhokegang **di se ke tsa** sokelwa dirope.

POTSO 2

	Dinopolo		Mafoko a a tshikintsweng
1	Tshwaro e e maswe e tisa lethoo magareng ga ngwana le motsadi. Mme lethoo le tsala ipusolotsetso.	1	Tshwaro e e sa siamang ya batsadi e bakela bana go ila batsadi.
2	Bana ba ba tshwerweng makgwakgwa mo malapeng a bona ba mela mowa wa ipusolotsetso.	2	Go sa tshware bana sentle, go tsosa ntwaga magareng ga bana le batsadi.
3	Modimo o re neetse bana jaaka mpho e re tshwanetseng go e itumelela, go ba godisa le go ba naya lorato lwa mmatota.	3	Batsadi ga ba neye bana lorato lwa nnete jaaka go tshwanetse.
4	A re se ba tshware jaaka makgoba gonne le kwa dikgolegolong go tsentswe mokgwa o o siameng wa setho.	4	Go itsa bana kgololosego e e ba tshwanetseng ga go a siama e bile ga se botho.
5	A re inaakanyeng le diphetogo re tlogele go gatela kwa morago.	5	Batsadi ga ba ikamanye le diphetogo ka jalo ba lomeletsa bana.
6	Batsadi bangwe ba re ba batla gore bana ba ba tlotle ka go ba gagamaletsa molao mo lelapeng.	6	Batsadi ba tiisa molao le ditsamaiso mo malapeng gore bana ba ba obamele.
7	Ke monnye fela ka re a re se nyatse dikgakololo tsa bana ka gonne ke bona ba ka re fatlhologang.	7	Batsadi ba tseela dikakanyo tsa bana kwa tlase ba lebala gore botlhale jwa phala bo tswa phalaneng.

Tshwaro e e sa siamang ya batsadi e bakela bana go ila batsadi. Go sa tshware bana sentle, go tsosa ntwaga magareng ga bana le batsadi. Batsadi ga ba neye bana lorato lwa nnete jaaka go tshwanetse. Go itsa bana kgololosego e e tshwanetseng ga go a siama e bile ga se botho. Batsadi ga ba ikamanye le diphetogo ka jalo ba lomeletsa bana. Batsadi ba tiisa molao le ditsamaiso mo malapeng gore bana ba ba obamele. Batsadi ba tseela dikakanyo tsa bana kwa tlase ba lebala gore botlhale jwa phala bo tswa phalaneng.

(Dikarabo tse di nepagetseng di elwe tlhoko)

Palo ya mafoko 90

PALOGOTLHE YA KAROLO YA B: 10

**KAROLO YA C: DIPOPEGO TSA PUO LE MELAWANA YA TIRISO.
Mokgwa wa go tshwaya Karolo C**

- Mopeleto:
 - Karabo ya lefoko le le lengwe e abelwe leduo le fa mopeleto o fosagetse ntle fela le fa phoso e fetola bokao jwa lefoko.
 - Fa dikarabo e le dipolelo tse di tletseng, mopeleto o o fosagetseng o sokelwe dirope fa phoso e le mo ponagalong ya puo e e tlhatlhobiwang.
 - Fa go tlhatlhabiwa dikhutshwafatso, karabo e tshwanetse go nna le matshwao a puo a a nepagetseng.
- Dipopego tsa polelo di tshwanetse go latela melawana ya dipopego tsa puo ka nepagalo e bo e tlhagisiwe ka dipolelo tse di tletseng/go latela taelo.
- Mo dipotsong tse go tlhophiawang karabo e e nepagetseng mo go tsona, amogela tlhaka e e nyalanang le karabo e e nepagetseng LE/KGOTSA karabo e e kwadilweng ka botlalo.

POTSO 3

- 3.1 B/Thekiso ya dijanaga. ✓ (1)
- 3.2 Puo e e digelang/puo e e tlhotlheletsang. ✓ (1)
- 3.3 Go simolola go duela sekoloto/molato morago ga dikgwedi tse tharo
Sesolo mo thekisong ya dijanaga
Tiriso ya puo e e digelang (fa o rata dilo tse dintle mo botshelong jwa
segompieno ithekele nngwe ya dijanaga tse.)
(E LE NNGWE FELA.) ✓ (1)
- 3.4 Nomoro ya mogala/aterese ya lefelo/leina la lebenkele/aterese ya maranyane
ga di a tlhagisiwa mo papatsong. (TSE PEDI FELA). ✓✓ (2)
- 3.5 Bareki ba dikoloi/ bareki ba dijanaga/batho ba ba nang le madi a go reka
dikoloi/batho ba ba nang le kgatlhego ya go reka dikoloi. ✓ (1)
- 3.6 Ithekele/itlhomileng. ✓ (1)
- 3.7 Letlhalosi la nako. ✓ (1)
- 3.8 Volkswagen le Mercedes Benz. ✓✓ (2)

[10]

POTSO 4: KHATHUNU

- 4.1 Phaposi ya boiketlo. ✓ (1)
- 4.2 Ngwana o ja eng? ✓ (1)
- 4.3 Kutlobotlhoko, gonne diphatsana tsa gagwe tsa motshameko di a tlhabela/ ga di kopane. ✓✓ (2)
- 4.4 Yo o bodipa, gonne ga a batle kgakololo/ yo o tlhogo e thata gonne le fa mosadi a mo gakolola gore a tlogele motshameko ga a batle/ yo o ratang se a se dirang gonne a utlwiwa botlhoko ke gore diphatsana tsa gagwe ga di a felela o ka be a fetsa motshameko wa gagwe.
(E LE NNGWE FELA). (Dikarabo tse di nepagetseng di elwe tlhoko). ✓✓ (2)
- 4.5 Ee, ka gonne monna yono ga a batle go dira ditiro tse dingwe ntle le go tshameka ka diphatsana tsa gagwe tsa mafoko, seno se ka ama itekanelo ya gagwe ka tsela e e sa siamang.
Nnyaya seo se bontsha bopelomaswe ka ntlha ya gore o tlhakatlhakanya diphatsana tsa monna yoo ka bomo mme seno se mo itsa go itumelela motshameko wa gagwe. (Dikarabo tse di nepagetseng di elwe tlhoko). ✓✓ (2)
- 4.6 Gongwe ga o a tshwanela go tlogela. ✓ (1)
- 4.7 Ke balelapa/ ngwana le batsadi ba gagwe. ✓ (1)

[10]**POTSO 5: TEMANA YA POROUSE**

- 5.1 Owai! O ithaya a re ke mang ena? ✓✓ (2)
- 5.2 Ikaketsa. ✓ (1)
- 5.3 Leinagoboka. ✓ (1)
- 5.4 Lesupi la maemo a ntlha. ✓ (1)
- 5.5 Rapula o ne a tswa madi morago ga go rengwa ke selepe mo monwaneng. ✓✓ (2)
- 5.6 Ditsobotla/Moutlwatsi. (E LE NNGWE FELA). ✓ (1)
- 5.7 Tlhalosi ya kopanelo. ✓ (1)
- 5.8 Thulana. ✓ (1)

[10]

PALOGOTLHE YA KAROLO YA C: 30
PALOGOTLHE: 70